

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava Fonda za zaštitu okoline za 2020. godinu, broj: 02-11-10238/20 od 18.06.2020. godine, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 83. sjednici, održanoj dana 06.11.2020. godine, d o n o s i

ODLUKU

o dobavanju sredstava „Regionalnoj deponiji Mošćanica” d.o.o. Zenica za sufinansiranje projekta izgradnje odlagališne kasete druge faze na „Regionalnoj deponiji Mošćanica” d.o.o. Zenica

Član 1.

(Predmet)

Odobravaju se sredstva „Regionalnoj deponiji Mošćanica” d.o.o. Zenica, u iznosu od 500.000,00 KM (slovima: petstotinhiljada konvertibilnih maraka) za sufinansiranje projekta izgradnje odlagališne kasete druge faze na „Regionalnoj deponiji Mošćanica” d.o.o. Zenica.

Član 2.

(Korisnik sredstava)

Sredstva iz člana 1. ove odluke isplatit će se iz Budžeta Zeničko-dobojskog kantona („Službene novine Zeničko-dobojskog kantona“, broj: 24/19 i 7/20), sa razdjela 19 - Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, ekonomski kod 614100 - Transferi drugim nivoima vlasti.

Odobrena sredstva uplatit će se na račun Regionalne deponije Mošćanica d.o.o. Zenica.

Član 3.

(Izveštavanje)

Obavezuje se korisnik sredstava da Ministarstvu za prostorno uređenje, promet i komunikacije i zaštitu okoline Zeničko-dobojskog kantona podnese izvještaj o utrošku sredstava u roku od 30 dana po utrošku sredstava odobrenih ovom odlukom, u skladu sa odredbama Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 24/19 i 14/20).

Član 4.

(Realizacija Odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline, Ministarstvo finansija i Regionalna deponija Mošćanica d.o.o. Zenica, svako u okviru svoje nadležnosti.

Član 5.

(Stupanje na snagu)

Odluka stupa na snagu narednog dana od dana donošenja i objavit će se u „Službenim novinama Zeničko-dobojskog kantona“.

Broj: 02-11-17755/20

Datum, 06.11.2020. godine

Z e n i c a

**PREMIJER
po ovlaštenju**

Mirnes Bašić

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,

1x Ministarstvo finansija,

1x Regionalna deponija Mošćanica d.o.o. Zenica, putem Ministarstva,

1x „Službene novine Zeničko-dobojskog kantona“,

1x a/a.